

御纂醫宗金鑑

絲部

卷三十一
三二一



御纂醫宗金鑑卷三十一

刪補名醫方論卷六目錄

桂枝湯

麻黃湯

大青龍湯

小青龍湯

葛根湯

桂枝麻黃各半湯

桂枝二麻黃一湯

桂枝二越婢一湯

越婢湯

麻黃杏仁甘草石膏湯

麻黃附子細辛湯

麻黃附子甘草湯

桂枝加附子湯

芍藥甘草附子湯

桂枝甘草湯

桂枝加芍藥加大黃湯



中國醫藥大學圖書館版權所有

桂枝加芍藥湯

桂枝加大黃湯

小建中湯

炙甘草湯

桂枝人參湯

葛根黃芩黃連湯

白虎湯

白虎加人參湯

豬苓湯

五苓散

茵陳五苓散

桂枝去芍加苓朮湯

十棗湯



御纂醫宗金鑑卷三十一

刪補名醫方論卷六

桂枝湯

治風寒在表，脈浮弱，自汗出，頭痛發熱，惡風，惡寒，鼻鳴，重嘔，等證及雜證，自汗盜汗，虛損虛癆，亦可用。若脈浮緊，汗不出

者，酒客病，風寒而汗出者，禁用。

桂枝 三兩

芍藥 三兩

生薑 三兩

甘草 二兩

大棗 十二枚

右五味以水七升，煮取三升，服一升，覆合微汗，不可令如水淋漓。病必不除。若服一升汗出，病痊不必盡劑。服已更



北京中医药大学图书馆藏

歡稀粥一盞以助藥力

註

凡風寒在表脈浮弱自汗出者皆屬表虛宜桂枝湯
名曰桂枝湯者君以桂枝也桂枝辛溫辛能散邪溫從陽
而扶衛芍藥酸寒酸能斂汗寒走陰而益營桂枝君芍藥
是於發散中寓斂汗之意芍藥臣桂枝是於固表中有微
汗之道焉生薑之辛佐桂枝以解肌表大棗之甘佐芍藥
以和營裏甘草甘平有安內攘外之能用以調和中氣卽
以調和表裏且以調和諸藥矣以桂芍之相須薑棗之相
得藉甘草之調和陽表陰裏氣衛血營並行而不悖是剛
柔相濟以爲和也而精義在服後須與歡熱稀粥以助藥

力蓋穀氣內充不但易爲釀汗更使已入之邪不能少留
將來之邪不得復入也又妙在溫服令一時許熱熱微
有汗是授人以微汗之法不可令如水淋漓病必不除
人以不可過汗之意也此方爲仲景羣方之冠乃解肌發
汗調和營衛之第一方也凡中風傷寒脈浮弱汗自出而
表不解者皆得而主之其他但見一二證卽是不必悉具
故麻葛青龍發汗諸劑咸用之也若汗不出麻黃證也脈
浮緊者麻黃脈也固不可與桂枝湯然初起無汗當用麻
黃發汗如汗解後復煩脈浮數者與下後脈仍浮氣上衝
者及下後不利止而身痛不休者皆用此以解外何也蓋

此時表雖不解，腠理已疏，邪不在皮毛而在肌肉，且經汗下津液已傷，故脈證雖同麻黃而主治當屬桂枝矣。桂枝妄謂桂枝湯專治中風，不治傷寒，使人疑而不用，又謂專發肌表，不治他病，不知此湯倍芍藥生薑，加人參名桂枝新加湯，用以治營表虛寒肢體疼痛，倍芍藥加飴糖名小建中湯，用以治裏虛心悸腹中急痛，再加黃耆名黃耆建中湯，用以治虛損虛熱自汗盜汗，因知仲景之方可通治百病也。

麻黃湯

麻黃湯蓋發汗之方，內含不汗之病，故其藥性與麻黃湯之方，不可不察也。

治太陽風寒在表頭項強痛發熱身疼腰痛骨節痛惡風寒
無汗胸滿而喘其脈浮緊或浮數者用此發汗雖有是證
脈浮而弱汗自出或尺中脈微與遲者俱不可用風寒濕成
痺肺經壅塞昏亂不語冷風哮吼最宜

麻黃

三兩
去節

桂枝

二兩

甘草

一兩
炙

杏仁

六十枚
去皮尖

右四味以水九升先煮麻黃減二升去上沫內諸藥煮取

五升半去滓溫服八合溫覆取微汗不須歡粥一服汗出

停後服汗出多者溫粉撲之

凡風寒在表脈浮緊數無汗者皆表實也宜麻黃湯主之

註

名曰麻黃湯者君以麻黃也麻黃性溫味辛而苦其用在
迅升桂枝性溫味辛而甘其能在固表證屬有餘故連以
麻黃必勝之算也監以桂枝制節之妙也杏仁之藉溫佐
麻黃逐邪而降逆甘草之甘平佐桂枝和內而拒外飲
於胃行氣於元府輸精於皮毛斯毛皴合精溱溱汗出在
表之邪必盡去而不留痛止喘平寒熱頓解不須歆粥而
藉汗於穀也其不用薑棗者以生薑之性橫散於肌礙麻
黃之迅升大棗之性泥滯於膈礙杏仁之速降此欲急於
直達稍緩則不迅橫散則不升矣然則爲純陽之劑過於
發散加單刀直入之將用之若當一戰成功不當則不戰

而召禍故可一而不可再如汗後不解復當以桂枝代之
此方爲仲景開表逐邪發汗第一峻藥也庸工不知其制
在溫覆取汗若不溫覆取汗則不峻也世謂麻黃專能發
表不治他病不知此湯合桂枝湯名麻桂各半湯用以和
太陽留連未盡之寒熱去杏仁加石膏合桂枝湯名桂枝
湯二越婢一湯用以解太陽熱多寒少之寒熱若陽盛於內
而無汗者又有麻黃杏仁甘草石膏湯以散太陰肺之邪
若陰盛於內而無汗者又有麻黃附子細辛甘草湯以溫
散少陰腎家之寒金匱要略以此方去桂枝千金方以此
方桂枝易桂皆名還魂湯用以治邪在太陰卒中暴厥口

噤氣絕下咽奏效而皆不溫覆取汗是知麻黃湯之峻與
不峻在溫覆與不溫覆此仲景用方之心法豈常人所能
得而窺耶內而無汗者又宜和裏調之

大青龍湯

治太陽風寒兩傷營衛同病傷寒之脈而見中風之證中風
之脈而見傷寒之證二證俱不出汗而煩躁者用此兩解發
汗雖有是證若脈微弱自汗出者不可服之服必亡陽

麻黃

六兩
去節

桂枝

二兩

杏仁

四十箇
去皮尖

甘草

二兩
炙

生薑

三兩
切

大棗

十二枚
擘

石膏

如雞子大碎綿裹

右七味以水九升先煮麻黃減二升去上沫內諸藥煮取三升去滓溫服一升取微汗汗出多者溫粉撲之一服汗者停後服汗多亡陽遂虛惡風煩躁不得眠也

註

何以知風寒兩傷營衛同病以傷寒之脈而見中風之證中風之脈而見傷寒之證也名大青龍湯者取龍興雲雨之義也治風不外乎桂枝治寒不外乎麻黃合桂枝麻黃二湯以成劑故爲兼風寒中傷者主之也二證俱無汗故減芍藥不欲其收也二證俱煩躁故加石膏以解其熱也設無煩躁又有當從事於麻黃桂枝各半湯也仲景於表



北京中医药大学图书馆藏

劑中加大寒辛甘之品則知麻黃證之發熱熱全在表大
青龍證之煩躁兼肌裏矣初病太陽卽用石膏者以其
能解肌熱寒能清胃火甘能生津液是預保陽明存津液
之先着也粗工疑而畏之當用不用必致熱結陽明斑黃
狂冒紛然變出矣觀此則可知石膏乃中風傷寒之要藥
得麻桂而有青龍之名得知草而有白虎之號也服後取
微汗汗出多者溫粉撲之一服得汗停其後服蓋戒人卽
當汗之證亦不可過汗也所以仲景桂枝湯中不用麻黃
者是欲其不大發汗也麻黃湯中用桂枝者恐其過汗無
制也若不慎守其法汗多亡陽變生諸逆表遂空虛而不

任風陰盛格陽而更煩躁不得眠也

小青龍湯

治傷寒表不解心下有水氣乾嘔發熱而咳或渴或利或噎
或小便不利少腹滿或喘者及雜病膚張水腫證用此發汗
而利水

麻黃

三兩
去節

芍藥

三兩

五味子

半升

甘草

三兩
炙

乾薑

二兩

半夏

半升
洗

桂枝

三兩

細辛

三兩

右八味以水一斗先煮麻黃減二升去上沫內諸藥煮取



三升去滓溫服一升 若渴者去半夏加栝蒌根三兩

若噎者去麻黃加附子一枚

泡

若小便不利少腹滿者

去麻黃加茯苓四兩 若喘者去麻黃加杏仁半升

去皮

若微利者去麻黃加薤花如雞子

熬令赤色

按

加薤花如雞子熬令赤色此必傳寫之譌蓋本草薤花即

芫花類也用之攻水其力甚峻五分可令人下行數十次

豈有治停飲之微利而用雞子大之薤花者乎當改加茯苓

苓四兩

註

太陽停飲有二一中風表虛有汗五苓散證也一傷寒表

實無汗小青龍湯證也表實無汗故合麻桂二方以解外



去大棗者以其性泥也去杏仁者以其無喘也有喘者如
之去生薑者以有乾薑也若嘔者仍用佐乾薑細辛極溫
極散使寒與水俱從汗而解佐半夏逐痰飲以清痰
飲佐五味收肺氣以歛耗傷之氣若渴者去半夏加花粉
大避燥以生津也若微利與噎小便不利少腹滿俱去麻黃
去遠表以就裏也加附子以去噎散寒則噎可止加茯苓以
薑利水則微利少腹滿可除矣此方與越婢湯同治水飲溢
於表而爲膚脹水腫宜發汗外解者無不隨手而消越婢
湯治有熱者故方中君以石膏以散陽水也小青龍治有寒
者故方中佐以薑桂以消陰水也

葛根湯

治太陽陽明兩經全病頭項強痛背亦牽強𧈧浮無汗惡風

者及表不解下利而嘔者並宜服此發汗

葛根 四兩

麻黃 二兩 去節

桂枝 二兩

芍藥 二兩

甘草 二兩 炙

生薑 二兩 切

大棗 十二枚 擘

右七味以水一斗先煮麻黃葛根減二升去沫內諸藥煮

取三升溫服一升覆取微似汗不須歠粥餘如桂枝法將

息及禁忌

註是方也即桂枝湯加麻黃葛根麻黃佐桂枝發太陽營衛